

Jacobi Alvarez de Paz Opera

De Exterminatione Mali, Et Promotioне boni - Libri quinque

Álvarez de Paz, Jacobo

Lvgdvni, 1613

De propria conscientia praelato manifestanda. Cap. 2.

[urn:nbn:de:hbz:466:1-77843](#)

*Eccles. 51.
15. 16.
17.*

tuam præpostoram pro Dei voluntate rectissima commutasti. A tumultu ad serenitatem, à bello ad pacem, ab Ægypto ad Paradisum translatus es, & à duris operibus lutis & lateris, ad statum filij, ad occupationes honorificissimas, & ad diuinam familiariatem euocatus. Hæc & alia similia mente volvens, ad laudes Domini liberatoris tui assiduè canendas te tota deuotione converte. Dicque illi: Laudabo nomen tuum assiduè, & collaudabo illud in confessione, quia exaudita est oratio mea. Quia liberasti me de perditione, & eripuisti me de tempore iniquo. Propterea confitebor, & laudem dicam tibi, & benedicam nomini Domini.]

Confessione præmissa, in qua te de ingratitudine erga tantum beneficium, & de annis tepidè in religione impensis, accusas, ad gratias agendas missam celebrabis, aut si Sacerdos non es, facrum Eucharistie Sacramentum accipies. Et id quidem eo affectu, vt qui nihil proprium habes, quod Domino pro ingenti dono vocationis offeras, ei Filium suum unigenitum, per donationem Patris æterni tuum thelaurum factum, quasi in compensationem, tribuas. Sed quia donum quod offeras, in immensum vocationis beneficium acceptum superat, confiderenter propter illum noua beneficia postulabis, vt scilicet Dominus, qui ceperit te opus sanctitatis, ipse perficiat, perfeuerantiam in arepto statu concedat, & in omni virtute, & praesertim in sua familiaritate promoueat. Tu autem pusillus es, & penitus insufficiens ad reddendas pro tanto beneficio debitas gratias: quare orabis Beatanam Virginem, omnisque Sanctos, præcipue aducatos & Patronos tuos, vt pro te Deum laudent, & se pro beneficio in te collato gratos exhibeant. Fratres etiam tuos rogabis, vt eo die in gratiarum actionem pro te Missas celebrent, & si dies festus fuerit, ad communionem sacram accedant, & orationibus te tibi in affectu gratitudinis comites præbeant.

Hæc sunt sancta, & pura, ac Deo grata coniuia, hi ludi, & choreæ immaculatae, quæ hoc vocationis die instituenda sunt. Festiu autem colloquia non desint, nam si (disciplina religiosa minime prohibente) loquendum sit, ea verba in hoc die natalis tui cum fratribus misceas, quæ gratitudinem sonent, quæ te tuæ vocationis & status amatorem ostendant, & quæ diuinam misericordiam in te collatam prædicens. Credite mihi, frater, quia hæc pusilla non sunt, nec ab his, qui aliquid se esse putant, despicienda. Dominus enim qui pro omni beneficio gratias petit, pro hoc ingenti beneficio, seu beneficiorum cumulo, maiores gratias requirit. Vide autem tu an gratum animum habeas, si hunc diem celeberrimum atque sanctissimum, in quo à seculo eductus es, perinde atque alios in vanitatibus perdas, & nulla memoria tanti beneficij facta transire permittas. Hunc vero affectum gratitudinis ignoranter paruipendes, qui ab eo qui nullius indiget, sœpe operibus antefertur. Nam, vt inquit Ambrosius, aliis fructum accepti beneficij, vt aurum auro, argentum argento rependet, aliis labore, aliis hand scio an etiam locupletius, solum restituit affectum. Quid enim si reddendi nulla facultas suppetat? in beneficio reddendo plus animus, quam census operatur, magisque præponderebat benevolentia, quam possibilias referendi munieris.] Si ergo non habes opera, quæ rependas, quia tepidus es & imperfectus, saltem affectum gratitudinis, & laudes, & cor simplex & humile, parua cum reuerentia audiens offerre non cesses. Illud sufficiat, vt gratis habeatis, & faciet vt noua beneficia merearis accipere.

A De propria conscientia Prælato manifestanda.

CAP V T I I.

SINGULIS etiam annis semel, aut bis, aut pluries, si opus fuerit, apud Prælatum te statues, & spaciū seorsum & sine arbitris colloquendi, postulabis. Hoc temporis spacio sincerè, & sine ullo fuso tua illi conscientiam ostendes. Id autem facies, si illi defectus tuos aperias, affectus, & passiones, ac propensiones minus mortificatas detegas, iterationes reuelas, virtutes, bona, & mala manifestes. Mala quidē, non vt à Prælato puniantur, (qui in hoc negocio non munus iudicis, sed medici peritissimi & patris benignissimi, obire debet) sed vt tibi compatiatur, vt tecum miserias tuas defeat, vt ratione pugnandi, ac remedia adhibendi prescribat. Bona vero, vt pro illis, tanquam pro bonis suis (qua bona sunt filii sui) Domino gratias agas, vt prudēti examinatione, ab eis quod est minus perfectū, auerteret, & vt suo consilio & admonitione promoueat. Vniuersa tandem bona & mala, vt te intus & in cœte cognoscas, vt te gubernare sciāt, vt impedimenta proficiendi remoueat. Rem hāc superiorius attinimus, sed quia summi momenti est ad perfectionem asequendā, eam nūc nihil ex dictis reperientes, iterum prohuius tractationis necessitate confirmabimus.

Prælati igitur nomine, in ea religione qua hunc vsum laudabilem & maximè necessarium obtinet, superiori domus, in qua habitamus, veleum qui toti prouincia præfet, intelligimus. In aliis, vel ipsum vel confessarium, vel magistrum spiritus, quem spiritualis vita ducem sequimur, ad hanc rem aptum esse decernimus. Nondubium autem quin melius sit & efficacius quemquam se Prælate detegere: quoniam reliqui nos dirigunt, Prælatus vero gubernat, & si ille nos nesciat, his forsan occupabit, quibus ob imbecillitatem nostram non tantum perfectionem, sed & gratiam, & salutem æternam amitteramus. Putabit fortitan nos timore Dei possideri, cum alieni ab eo sumus, putabit fortes cum sumus infirmi, putabit humiles, castos, patientes, cum tamē ab his virritibus longè distemus. Nos autem secundum existimationem suam ad onus portandum sufficientes, sed secundum veritatem, oneri portando impares, ministeriis periculis exponet, ex quibus spirituales & fortes viri merita magna reportant, nobis autem proueniet certa mirabilisque ruina. Animam vero nostram occasionibus perditam Dominus de manu eius non requiri, immo & nos, vt hypocritas, & vulnus celantes & sanctitatem mentientes, incomparabili pena mulcabit. Cū ergo hæc conscientia manifestatio ad id ordinetur, vt in via spiritus sine offenditione regamur, verissima sit oportet: ita scilicet, vt nec vita nostra celemus, nec Dei dona & virtutes abcondamus, sed omnia pro vt sunt, maneat oculis nos gubernantis aperta. Neque enim ex ea quæsumus vt boni habeamus, & sancti reputemur, quod insignis esset hypocrisia, nec vt contemnamur, & viles existimemur, quod in hoc proposito magna esset ignorantia, sicut si quis accerens medicum, vulnus aut dolorem, quem non habet, se habere fingeret, sed tantum intendimus, vt ei qui nos regit, sumus omnino perspecti. Ille autem nequaquam nostrum statum agnoscet, si propter ineptam humilitatem, bona celantes, aut mala fingentes, vel propter superbiam mala occultantes, aut bona, quæ non habemus, enuntiantes, mentiti fuerimus.

Ostendamus nunc quāra sit huius manifestationis conscientiae necessitas. Corpus quidem non seipsum

*Temp. 1. L.
5. p. 2. c.
12.*

regit, sed ab spiritu regitur, & in suo motu, atque in reliquis ab animo ipsum vivificante dirigitur. Spiritus vero non a seipso, quia seipsum seipsum recipit, sed ab spiritu Dei regendus est, a quo, tanquam a magistro peritissimo in perfectionem ducatur. Deus autem ut nos regat, omnino vult ut nos ei nostram conscientiam aperiamus, non sanè quia ei occulta sit, sed ut dum humiliter nos detegimus, eius remedii & auxiliis ad victoriam nostrorum affectuum comparandam digni simus. Ad quod horatur quæque nostrum sanctus David, dicens: Reuelata domino viam tuam, & spera in eo, & ipse faciet.] Detege, inquam, domino conscientiam tuam, & spem omnem in eo, tanquam in sapientissimo medico, ac benignissimo proteetore colloca, & ipse faciet ut sanaris. Praestat tamen hunc sensum, & ea quæ nos ad hanc manifestationem mouant, ex ore Ambrosij sanctissimi Doctoris audire. Bene, ait, reuelata id est, aperi, conscientiam tuam, ne eam facili ictu graueri vmbra, vel earnis. Prorumpentia semina si fuerint obumbrata, tenuantur, Soli obiecta pingueſcent. Quid de seminibus loquor? Ipsi arbusculas, quominus se in altum subiiciant, vmbra sylvestris interneat, & prohibet brachia ramosa diffundere. Pulchre autem dixit, Reuelata ad dominum viam tuam:] quia natura hominum prona peccato, velut quoddam menti nostra velamen obducit, ne nostra domino peccata fateamur, qui potest vulnera nostra sanare, ut erubescat quis ore proprio postulare medicinam, ne coram hominibus sua prodantur opprobria. Premigitur se intra hominem conscientia cum latere non possit, & tandem differt, quod ad vulnus efferveat, ut iam non fidei salubritate, sed immicabilis atrocitate viceris detergatur. Reuelata, inquit, ad dominum viam tuam] id est, aperi viam tuam, noli abscondere. Sicut abscondebat Cain, qui latere cupiebat.] Omnis enim qui male agit, odit lucem.] Reuelabat David viam tuam, qui ait: Dico ego opera mea Regi.] Aperi sensum tuum, ut nihil sit quod timeas reprehendi. Reuelauit & Paulus, qui presumpsit dicere: Nihil mihi conscius sum.] Deo itaque nos manifestare debemus, ut spiritus noster ab eius spiritu dirigatur. Sed rogo, quidnam sit manifestari nos Deo, cuius oculis, ut ait Paulus, cuncta nuda sunt & aperta? Certè illud est conscientiam nostram, & omnes recessus illius, Praelato detegere, cuius ore ad nos loquitur Deus, cuius prudens regit, cuius adiutorio in finem optatum perducit. Ergo spiritus noster, ut a spiritu Dei regatur, Prae lati sapientia regendus est, & in omnibus ordinandus. Qui enim ductum Prae lati refugit, a Dei gubernatione se subtrahit.

Habes igitur, o frater, in magistro spirituali magistrum Deum, a quo per illius vocem instrueris: & dum huic conscientiam tuam aperis; dum magistrum aut Praelatum interrogas, Deum interrogas, ut eius responsione per os spiritualis patris enunciata docearis. Sat scio, Daemonius astus fugere concupiscit, & ei quispe tibi illusit, illudere. Sed ad hoc solus non eris potens, spiritualis vero patris adiumento fulcitus, cui fidenter tua arcana commisisti, validus & robustus existes. Illi profecto, qui conscientiam suam Praelato detexit, Cassianus & discretionem veram, & tentationum victoriam, & Daemonum conculationem promittit. Vera, inquit, discretio non nisi vera humilitate conqueritur. Cuius humilitatis haec erit prima probatio, si vniuersa non solum, qua agenda sunt, sed etiam qua cogitantur, seniorum referuent examini, ut nihil quis suo iudicio credens, illorum per omnia definitionibus ac-

A quiescat, & quid bonum vel malum debeat iudicare, eorum traditione cognoscat. Quæ institutio non solum per veram discretionis viam iuuenem recte tramite docebit incidere, verum etiam a cunctis fraudibus & infidiis inimici seruabit illæsum. Nullatenus enim decipi poterit quisque, si non sù indicio, sed maiorum viuat exemplo: nec valebit ignorantia eius callidus hostis illudere, qui vniuersas cogitationes in corde nascentes perniciosa veretur. Aneficit obtegere, sed eas maturo examine seniorum, vel reprobat, vel admittit. Illico namque ut patefacta fuerit cogitatio maligna, marcescit, & ante quam discretionis iudicium proferatur, serpens tenebris velut è tenebroso ac subterraneo specu confessionis virtute protractus ad lucem, & traductus quodammodo ac de honestatus abscedit. Tandiu enim suggestiones eius noxiæ dominantur in nobis, quando celantur in corde.] Non itaque victoriam ex temptationibus reportabis, qui tentatorem, id est, cognitionem noctam, fones in corde, & ab oculis interemptoris, nimis patris spiritualis, abscondis. Nec veram discretionem, altissimam & difficillimam scientiam solus & sine magistro, a Deo ad eam tradendam destinato, perdisces. Qui dum te audit, & quid ut bonum amplectendum, quid vero ut malum vitandum sit, tradit, in rebus spiritualibus, & ad salutem animæ pertinentibus erudit.

Samuel vocatus a domino, concurrevit ad Heli, & secundò a certiō vocatus ad eundem festinavit, & sic Deum loquentem & se docentem agnouit. Paulus non ex ore domini, sed ex ore Ananie sibi loquentis audivit: Ingredere ciuitatem, & ibi dicetur tibi, quid te oporteat facere.] Et iterum ad apostolos proficisciuit, & cum illis euangelium confert, ne in vanum curreret, aut cucurisset.] Haec omnia manifestè designant, doctrinam spiritus sine magistro haberi non posse, multisque erroribus & periculis casus exponi, qui conscientiam suam ab eo, qui ipsum gubernat, voluerit occultare. Quis ergo, ait idem Ioannes cassianus, tam presumptor & cœsus, qui se audeat sio iudicio, aut discretioni committere, cum vas electionis indiguisse se coapostolorum suorum collatione testetur? Vnde manifestissime comprobatur, nulli a domino viam perfectiōis ostendi, qui habens inde valeat eridiri, doctrinam seniorum vel instituta contemplerit, parvupendens illud eloquium, quod oportet diligentissime cistodiri: Interrogat patrem tuum, & annunciat tibi: seniores tuos, & dicent tibi.] Et ad idem bernardus ait: O sapientia suauiter verè vniuersa disponens. Eum, cui tu loqueris, eruditum mittis ad hominem, ut socialis vita commendetur utilitas, & edocis per hominem, discat & ipse secundum datum sibi gratiam hominibus subuenire. Ingredere ciuitatem. Videtis, fratres, non sine diuino consilio factum esse, ut hanc ciuitatem domini virtutum ingredieremini, diuinam discere voluntatem. Planè qui te salubriter terruit, & conuerit cor tuum ad defiderandam voluntatem suam, ipse tibi dixit: Surge, & ingredere ciuitatem.] Haec ille.

Dicces itaque ex magistro spirituali, cui teipsum detegis, temptationes vincere, dicces in spiritualibus negotiis prudenter te gerere, dicces virtutes acquirere, dicces salutem animæ comparare. Vnde cassianus, postquam dixerat, iuniores monachos propriæ voluntatis mortificatione ad perfectionem informari, haec subdit: Ad quod ut facile valeant peruenire, consequenter instituuntur nullas penitus cogitationes pruriens in corde perniciosa confusione celare, sed confessim ut exortæ fuerint, eas suo patefacere.

Amb. ib.

Gen. 4.
Ioan. 3.
20.
Psal. 44.
1.

1. Cor. 4.

Hebr. 4.

1. Regam
3. 5.

A. 7. 1.

Gal. 2.2.

Dent. 31
7.
Bern.
fern. 1.
de con-
uer. Pau-
li.

facere seniori, nec super eorum iudicio, quidquam suæ discretioni committere. Sed illud credere malum esse, vel bonum, quod discusserit, ac pronunciauerit senioris examen. Itaque sic vt in nullo circumvenire iuuenem calidus intimus, velut in experium ignarumque, præualeat: nec vila fraude decipere quem peruidet, non sua, sed senioris discretionem mutari, & suggestiones suas, vel ignita iacula quacunque in cor eius iniecerit, vt seniorem celet, nō posse suaderi. Altera quippe subtilissimus diabolus illudere, vel deicere iuniorem non poterit, nisi cùm eum, siue per arrogantiā, siue per verecundiam ad cogitationum suarum velamen illexerit. Generale namque & euidentis iudicium diabolicae cogitationis esse pronunciant, si eam seniori confundimur aperiare.] Sic ille. At illi, qui scipios manifestant, ab his dolis aduersari liberantur. Quia scriptum est: [Salus autem vbi multa consilia.] Nec verò dicit, in multo consilio, ait Dorotheus, ut quis quemcumque confulet, sed eum cuius fidei se totum crediderit. Neque, hoc vt taceat, illud loquatur, sed vi omnia exponat, de omnibus consulet: huiuscmodi enim salus profecto est in multo consilio.] Eos taxat qui cuilibet sua arcana renelant, cùm manifestum sit interiora cordis nostri soli Prælato aperienda esse, aut certè viro prudentissimo, qui probè sciat conuenientia medicamina nostris infirmitatibus athibere.

Magni reputat, ô frater, amicum fidelem, cui possis tutò in rebus huius sæculi tui cordis arcana communire, cuius possis consilium sequi, à quo valeas adiuuari. Res autem animæ potiores sunt, maioribus difficultatibus patent, pluribus discriminibus sunt expositæ: quare ergo fidelem amicum, qui te in illis instituat, qui te iuinet, qui te tueatur, non magni reputabis? Qui autem aut fidelior, aut sapientior, aut sollicito Prælato, quem tibi Deus in patrem ac præceptorem præposuit? Quare igitur ab illo te abscondis? Quare, vt alter Adam, conspectum illius qui te curaturus est, fugies? Expende, obsecro, quid Augustinus, vel quisquis alius est author libri, de amico fidelis scribat: At qua felicitas, qua securitas, que incedunt est, habete cum quo aquè audeas loqui, vt ribi: cui confiteri non times, si quid deliqueris? cui non erubescas reuelare in spiritualibus, si quid proficeris; cui cordis cui omnia secreta committas, & commendes consilia? Quid igitur iucundus, quam ita vnde animum alterius, & vnum efficere de duobus, vt nulla iactantia timeatur, nulla formiderit suspicio, nec cōtreptus alter ab altero doleat, nec laudantem alter adulatio[n]is notet vel arguat? Amicus, ait Sapiens, medicamentum est vita:] Nō enim validior vel efficacior est vulneribus nostris medicina, quam habere, qui omni in commodo occurrat compatiens, omni commodo occurrat congratulans, vt iunctis suis humeris onera sua in uicem tolerent, & quod vnuquisque propriam leuinam quam amici portet iniuriat.] Hæc ille. Non est autem impossibile, immò maximè necessarium, hoc amicitiae cum Prælato genus inire, nec id aut reverentiam aut obedientiam imminuet. Si enim Dominum & Creatorem omnium ita reveremur, vt etiam tenerè diligamus; & si ei, cui in cunctis seruire debemus, amicitia & familiaritate iungimur, cur absurdum putabimus, Prælatum vt superiorem aspicere, & vt amicum nos fideliter amantem amare? Illi ergo nostra vniuersa secreta pandamus, in quo & remedium malorum, & augmentum bonorum, & leuamen molestiarum reperiemus. Ut enim inquit Gregorius, plerumque nimis taciti, cùm nonnulla

Prov. 11.
14.
Dorotheus.
doctr. 5.

Aug. de
mico, c.
1. tom. 4.

Eccles. 6.
16.

Greg. 7.
moral. c.
vlt.

A iniusta patiuntur, & in acriorem dolorem prodeunt, quò ea, quae sustinent, non loquuntur. Nam si illatas molestias lingua tranquillè dicere, à conscientia dolor emanaret. Vulnera enim clausa plus cruciant, quia cùm putredo, quæ intrinsecus feruerit, eiicitur, ad salutē dolor aperitur.] Huic sancti Gregorij dicto assidū experimentum attestatur; sapere enim nos & alios vidimus, cùm ad Prælatum accurrimus, & ei nostras miseras aperimus, sola defectus manifestatione fanaticos. Quia diabolus detectus fugit, & culpa humilitate & confessione lassescit. Cuius rei illustria sunt apud Climacum, & apud Cassianum exempla, quæ consultò præterimus, vt longitudinem fugiamus.

B Si autem adhuc non audes te Prælato ad consilium & remedium aperire, attende quia & ipsi antiqui Philosophi sola naturali luce ducti id non iam religiosi, sed & ciuius sæcularibus, & hominibus necdum Christianis faciendum præcepérunt, & vtile ad virtutis profectum existimauerunt. Socrates namque apud Platonem sic loquitur: Evidem ad defensionem iustitia suæ, aut parentum, aut amicorum, aut filiorum, aut patriæ iniusta facientes, nihil utilitatis afferet nobis Rhetorica, ô Pole, nisi si quis contraria accusare oportere putauerit, maximè quidem se ipsum, deinde etiam familiares, & alios, prout quis temperamicus iniusta fecerit, & non occultare, sed in propatulum iniuste factum producere, vi pœnas der, & sanus fiat; cogere item, & leipsum & alios non prætimore deterri, sed forriter, & velut clavis oculis exhibere, velut medico, secundum & vñendum, ita vt bonum & pulchrum, ac honestum persequatur, & dolorem non consideret, & siquidem iniusta plagiis digna perpetravit, verberandum se exhibeat; si vinculis, ligandum; si multa, multandum; si exilio, fugandum; si morte, necandum; ita vt ipse primus sit accusator, & sui ipsius, & aliorum familiarium, & non parcat, sed ad hoc Rhetorica viratur, quo dum manifesta sunt iniusta facta, à maximo malo iniustitiae liberentur.] Plutarchus vero hæc scripta reliquit: Quod si ille qui offendit, castigantibus offerat se, morbum indicet, & aperiat vitium, nec id clam esse gaudeat, contentusque sit, si sit rectum; verum fateatur, rogetque corripientem, & corrigitem: haud leue fuerit id progressionis insigne, vt sanè dixit Diogenes, Qui salutem desideret, ei querendum esse vel sedulum amicum, vel flagrantem inimicum, quò incepsione vel curatione animi vita exuat. Quoad vero ostendendis sordibus, aut macula tunica, aut laceraro calceamento, gloriari apud alios, & vano modestia cauilla iaciens in temetipsum vt pusillum, aut vt gibbosum, puras agere præclarè: interiores vero animi foeditates, vitæ labes, inuidias, malevolentias, fordes, libidines, vt vlcera, contegis & absconditis, quas nemini attingere, vel aspicere permittis, dum vereri ne arguare, patrum profectus, immò nihil fortis fuerit. Caterum, qui cum his pedem confert, præcipue, qui ipse mordere se, & insectari offendentem: secundo loco, qui præstare se castigante alio tolerantem, & patientem purgari se à reprehendentibus, valet & vult; hic vero est ei, qui amolitur & execratur prauitatem, proximus. Hi Philosophi pro virtutis profectu necessarium putant ut homo se alteri non ad consilium solum, sed ad pœnam & gravissimam pœnam detegat: & tu molestum putabis, non ad pœnam, sed ad consilium, ad remedium, & ad leuamen te prælato manifestare; aut virtutis profectum non curas, aut gratis & sine ullo pretio habere desideras, aut certè infidelibus delicatiore es, qui intolerabile putas, quod illi tam

Clim.
grad. 4.
Cass. coll.
lat. 2. c.
II.

Plato in
Gorgia.

Plutar.
Tract.
Quomodo
quis sen-
tia se in
virtute
proficeret.

facile esse docuerunt, & tam audacter omnibus imperarunt? Et illi quidem dixerunt, sed non fecerunt: nos autem nouimus non adolescentes solum, sed senes doctissimos & probatissimos, qui non sine admiranda humilitate hoc documentum obseruarunt. Quorum tam eximia est virtus, tam insignis animi puritas, qualis esse intelligitur in tanta humilitate fundata.

Hoc tu imitari non erubescas, ut confisilem virtutem conseqvaris, nec indignum putas illos conuersatione sequi, quorum vitam & mores admiraris. Et, si in illis haec insignis humilitas audit placet, cur eadem ad te traxilla, & ad opus redacta, displicer? Nisi forte humilitas & sapiens defectum manifestatio ad hoc a Deo inspirata sit, ut audiatur, & narretur, non vero ut operibus exercetur. Audi tandem Climacum quibus verbis ad hanc manifestationem impellat. Noli o fili atque Domino obediens, spiritu elationis decipi, neque peccata tua veluti ex persona alterius magistro denunties. Neque enim licet absque verecundia rubore aeterna confusione liberari. Aperi, denuda, detegi medico vulnus tuum. Dic, age, noli confundi. Meum vulnus est pater, mea plaga, cuius mihi causa fuit, non alterius, sed mea negligencia. Nemo huius author extitit, non homo, non spiritus, non corpus, non aliud quidquam nisi desideria mea. Esto, dum confiteris, habitu, spe, cogitatione, ut condemnatus reus, demissis in terram luminibus, atque si fieri potest magistri, aut medici pedes, ut Christi pedes, lacrymis riga. Solent nonnunquam demones nos ut aut non confiteamur, horrari, aut certe ut hoc veluti ex alterius persona faciamus, siue ut alios quoddam peccati nostri insimulemus, autores. Sicut certum est consuetudo plurimum valer, ut cuncta ex ea pendent eamque sequuntur; omnino longe amplius ea valebit in bonis, cum potentissimum habeat adiutorem Deum. Noli o fili, annis plurimi laboras lafescere, donec in te ipso beatissimam inuenias requie. Quod si te ipsum in initio-toto animo ignominiis expolui, ne indignum putas, adiutori ac magistro tuo, tanquam Deo, vultu, animoque demissis culpas tuas confiteri. Vidi enim eos quoque miserabiles omnino habitu, vehementiori, confessionis & supplicationis virutate ac severitatem emolluisse iudicis, illiusque iracundiam in misericordiam conuertisse. Quocirca Iohannes quoque Domini praecursor, antequaque Baptismi lauacra donaret, ab acceditibus confessionis humilitate requirebat. Non quidem vilo coru ipse indigens, sed coru saluti modis omnibus consulens. Huius sanctissimi viri dictis acquiescere, & modis omnibus conscientia abdita Praelato reuelare non metuas. Deus ipse adest tuos sermones audiens, tuam summisionem approbans, tuam animam virtute humiliis manifestationis emundans. Ille Praelato non tui contemptum, sed estimationem, non odium, sed amorem immittit. Et dum tu illi dicis miseras tuas, dicit Dominus ipsi: Considerans te ipsum ne & tu teneris. Ipse etiam tibi dona sua quorū causa angebaris, benignè concedit. Est enim apud ipsum valida oratio, & efficax postulatio conscientiae detectionis. Quodque fletibus, & corporis afflictione, & assiduis postulationibus, & aliis remedii non vicisti, humili defectus apertio superabis. Videbis profecto Dominum esse amatorum humilium, qui humili peccatori confitent, & vulnus aperienti, remedium adhibet; superbo autem suarum culparum dissimulatori, in sordibus voluntari permittit.

Clim. de
obedient.
grad. 4.

Matt. 3.

Gal. 6.1.

CAPUT III.

NTER motum à natura profectum, & aliqua externa vi contra naturam corpori violenter impressum, hoc Philosophi discrimen inuenierunt, quod ille (ut vel oculis ipsis perspicitur) in fine celerior ac velocior est: iste vero quo magis protrahitur, eo est cunctantior & segnior. Si moles magna naturaliter è superis deorsum descendat, celeriter moueri inchoat quo proprius ad centrum accedit, eo velocius ut in eo quiescat, motu perficit & consummat. Sed si lapis violenter sursum proiectus feratur, magna celeritate ascendere incipit, at post parum remissio impetu suo pondere grauatus lafescit. Hinc necessitas spiritus innouandi nobis non obscurè patet. Natura enim nostra per peccatum corrupta in hoc malum certe maximum incurrit, quod deorsum ire, & ad vilia & abiecta facula huius descendere, quasi naturale illi est; sursum vero ferri, & ad spiritualia & celestia anhelare violentum. Est quidem virtus secundum naturam rationalem hominis, ut Thomas Aquinas non minus verè quam subtiliter disputat; & vitium ac peccatum, contra naturam; quia vero per originalem culpam primi parentis appetitus à ratione defecit, & iugum eius excusit, & rationem quasi sua importunitate & immoderantia subiecit: hinc orum habet ut homo, cui appetitus dominatur, virtutem tanquam insulam horreat, & in virtutia ac peccata veluti in alimenta sua via propendeat. Inclinatus ergo & propensus ad malum, quo nequior est, eo vehementius & effrenatius in malum tendit; & ex parte appetitus auerius à vero bono, quo diutius in illud fertur, eo tardius & tepidius ire se sentit. Quid itaque faciet spiritualis vir, ut semper proficiat, ut temper non lentis passibus in perfectionem eat? Illud quidem quod iaculator, ut sagittam per multa terrarum spatia proiciat. Ut quemadmodum iste primum sagittam quanto potest impetu versus locum a se destinatum iacit, & iam deficiente & in terram cadentem, iterum leuat, & proicit, & sic multoties impetus impressionem multiplicans, ad finem sui itineris ludens & semeripsum oblectans, mittit; sic iustus ad perfectionem contendens, in initio conversionis sua mentem suam magno furore quasi impresso impetu ad destinatum puritatem iaculatur, & post aliquot menses tepefactam, nouo furore concepro, versus candem puritatem impellit, & sic per tempora furorem innouans, ad magnam perfectionem peruenit.

Huius vita mortalitatis proprium est ut omnia senescant, & sensim ad interitum eant: nullisque aduersum nos emergentibus incommodis, sola temporis lapsione ad senectutem tendimus, & ad morte properamus. De ipsis celis incorruptibilis dixit sanctus David: Opera, Domine, manu tuarū sunt caeli, ipsi peribunt (quia à praesenti statu mutabuntur) tu autem permanes, & omnes sicut vestimentū veterascat. Et sicut operiorū mutabis eos. Si autē celī quasi senscēt, quia mutatione & innovatione indigebūt, quāto magis corruptibilitate ad vetustatē festinabūt; vel si per celos, ut August. mystice vult intelligi, sanctos intelligamus, illi certe nō tārum quārum ad corpus, quod instar vestis attinetur, sed etiam quārum ad spiritualem animae vitam, quasi ad senectatē & vetustatē eunt, quia nonnullam qualitatē corruptibilem mutuātes, ad tepiditatem segnitēmq; proficiuntur, & mundi curis facientibus, ab illo primo quo inchoarunt furore deficit: donec implentur illius Psalmi postre-

ma p̄r̄

D.Thom.
12. q. 71.
a. 1.

Pf. 101.
26. 17.

AUG. 10.